

AGENCIJA ZA OSIGURANJE
U BOSNI I HERCEGOVINI



АГЕНЦИЈА ЗА ОСИГУРАЊЕ
У БОСНИ И ХЕРЦЕГОВИНИ

INSURANCE AGENCY OF
BOSNIA AND HERZEGOVINA

Broj: 03-02-2-258-18/18

Sarajevo, 25.03.2019

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za osiguranje u Bosni i Hercegovini, *donosi*

IZVJEŠTAJ O RADU
AGENCIJE ZA OSIGURANJE U BOSNI I HERCEGOVINI
ZA 2017. GODINU

I – UVOD

Agencija za osiguranje u Bosni i Hercegovini (u daljem tekstu: Agencija) je samostalna upravna organizacija osnovana Zakonom o Agenciji za osiguranje u Bosni i Hercegovini („Službeni glasnik BiH“, br. 12/04).

Agencija je nadležna za jedinstvenu primjenu Zakona o osiguranju između entiteta, postojanje nesmetane i djelotvorne saradnje između agencija za nadzor osiguranja u Federaciji Bosne i Hercegovine i Republici Srpskoj, usaglašenost zakona iz oblasti osiguranja u Bosni i Hercegovini i usaglašenost istih sa zakonodavstvom Evropske unije, koordinirano predstavljanje i zastupanje Bosne i Hercegovine u organizacijama koje se bave osiguranjem na međunarodnom nivou, rješavanje sporova između agencija za nadzor osiguranja u pogledu jedinstvenog tumačenja i primjene zakonodavstva o osiguranju na nivou entiteta i Brčko Distrikta kao i statistiku o cjelokupnom tržištu osiguranja u Bosni i Hercegovini.

U izvještajnom periodu određene aktivnosti planirane programom rada za 2017. godinu nisu se uspjele realizovati obzirom da se u prvoj polovini izvještajnog perioda odvijao postupak imenovanja članova Upravnog odbora Agencije za osiguranje u Bosni i Hercegovini kao i procedura imenovanja direktorice Agencije.

Vijeće ministara Bosne i Hercegovine je 30.5.2017. godine donijelo Odluku o imenovanju članova Upravnog odbora Agencije („Službeni glasnik BiH“, br. 46/17), a na 112. sjednici održanoj 30.08.2017. godine, je imenovalo direktoricu Agencije („Službeni glasnik Bosne i Hercegovine“, broj: 67/17), koja je stupila na dužnost u Agenciji 20.09.2017. godine.

U izvještajnom periodu, Agencija je, u okviru jednog utvrđenog programa „Priprema i koordinacija na obezbjeđenju jednakih uslova za sve učesnike na tržištu osiguranja u Bosni i Hercegovini“, realizovala sljedeće aktivnosti:

Usklađivanje zakonodavstva

U skladu sa Smjernicom za ocjenu usaglašenosti zakona o obaveznim osiguranjima u saobraćaju Federacije Bosne i Hercegovine i Republike Srpske i Analizom usaglašenosti zakona o obaveznim osiguranjima u saobraćaju Federacije Bosne i Hercegovine i Republike Srpske, sa preporukama za dalja usaglašavanja usvojenim u oktobru 2016. godine od strane Upravnog odbora Agencije, Agencija je u izvještajnom periodu od entitetskih ministarstava zatražila informaciju o preduzetim ili namjeranim aktivnostima. Federalno ministarstvo finansija je obavijestilo Agenciju da će uzeti u obzir Smjernice i Analizu Upravnog odbora Agencije prilikom izrade novog Zakona o obaveznim osiguranjima u saobraćaju. Ministarstvo finansija Republike Srpske nije dostavilo traženu informaciju.

Sačinjen je Prednacrt Pravilnika o postupcima za rješavanje sporova u oblasti osiguranja koji je dostavljen na konsultacije entitetskim agencijama za nadzor osiguranja, koje su dostavile komentare na navedeni Prednacrt, te će se isti uputiti Upravnom odboru Agencije na usvajanje. Agencija je pripremila Smjernice za usaglašavanje Zakona o posredovanju u privatnom osiguranju u Federaciji Bosne i Hercegovine i Zakona o zastupanju u osiguranju i posredovanju u osiguranju i reosiguranju u Republici Srpskoj. Pripremljen je i Prijedlog Protokola o saradnji u provođenju aktivnosti na usaglašavanju entitetskih zakona iz oblasti osiguranja u Bosni i Hercegovini između Agencije za osiguranje u Bosni i Hercegovini, Federalnog ministarstva finansija i Ministarstva finansija Republike Srpske, koji je takode, predviđen kao jedna od mjera navedenog Akcionog plana.

Akcionim planovima za realizaciju prioriteta iz Izvještaja za Bosnu i Hercegovinu za 2015. i 2016. godinu Agencija je bila zadužena sa nekoliko mjera, te su poduzete sljedeće aktivnosti radi realizacije istih:

Agencija je uputila Vijeću ministara Bosne i Hercegovine dvije informacije i to: Informaciju u vezi provođenja člana 6. Zakona o Agenciji za osiguranje u Bosni i Hercegovini i Informaciju o finansiranju Agencije za osiguranje u Bosni i Hercegovini.

Agencija je u izvještajnom periodu uputila Vijeću ministara Bosne i Hercegovine nekoliko urgencija u vezi sa informacijom o kadrovskim i tehničkim kapacitetima Agencije iz 2016. godine. Vijeće ministara Bosne i Hercegovine nije razmatrao navedene informacije, jer su iste više puta skidane sa dnevnog reda. U skladu sa zaključkom sa sjednice Odbora za ekonomiju Vijeća ministara Bosne i Hercegovine, održane 09.11.2017. godine, Agencija je navedene informacije povukla iz razloga što su iste pripremljene i dostavljene od strane prethodnog rukovodioca ove institucije. U skladu sa zaključcima sa 15. sjednice Zajedničke komisije za ekonomske reforme i razvoj Parlamentarne skupštine Bosne i Hercegovine održane 20.12.2017. godine, aktivnosti na izradi navedene informacije nastaviće se u 2018. godini.

Usvojen je Kodeks o dopuni Kodeksa državnih službenika u Agenciji za osiguranje u Bosni i Hercegovini radi usklađivanja sa odgovarajućim odredbama EU Direktive 2009/138/EU – Solventnost II.

Upravni odbor Agencije

Upravni odbor Agencije je u izvještajnom periodu održao tri sjednice na kojima su usvojeni akti, od kojih ističemo najvažnije:

- Nacrt Srednjoročnog plana rada Agencije za osiguranje u Bosni i Hercegovini 2018.-2020.;
- Nacrt Programa rada Agencije za osiguranje u Bosni i Hercegovini za 2018. godinu;

- Upravni odbor je zadužio Agenciju da pripremi informaciju o neusaglašenosti Zakona o osiguranju u Federaciji Bosne i Hercegovine i da istu uputi Federalnom ministarstvu finansija;
- Upravni odbor je zadužio Agenciju da obavijesti Federalno ministarstvo finansija da planira u 2018. godini dostaviti nadležnim institucijama analizu cjelokupnog Zakona o osiguranju.

Radi realizacije aktivnosti iz „Informacije o preporukama, operativnim zaključcima EU i prpratnim aktivnostima sa drugog sastanka Pododbora za unutrašnje tržište i konkurenciju uključujući zaštitu i zdravlje potrošača između EU i Bosne i Hercegovine“, Agencija je zadužena da sačini i dostavi Upravnom odboru na upoznavanje sintetizovanu informaciju u skladu sa nadležnostima Agencije, koja će se potom proslijediti Evropskoj komisiji.

Međunarodni odnosi

Aktivnosti Agencije u vezi sa Upitnikom Evropske komisije

Agencija je identifikovana za davanje odgovora na ukupno 56 pitanja za četiri poglavlja:

- a) Poglavlje 4. Slobodno kretanje kapitala;
- b) Poglavlje 9. Finansijske usluge;
- c) Poglavlje Ekonomski kriteriji i
- d) Poglavlje Ekonomska i monetarna politika.

Agencija je u roku određenom od strane Direkcije za evropske integracije (u daljem tekstu: DEI) u informacioni sistem DEI unijela svoje prijedloge odgovora na sva pitanja za koja je bila zadužena. Agencija je uvrštena u tri radne grupe, i to:

- a) Poglavlje 4. - Radna grupa za slobodno kretanje kapitala;
- b) Poglavlje 9. - Radna grupa za finansijske usluge i
- c) Radna grupa za ekonomski kriterij.

S tim u vezi u informacioni sistem DEI Agencija je unijela zakonske, podzakonske akte i priloge na jezicima koji su u službenoj upotrebi i na engleskom jeziku, kao i pisane komentare na radne verzije svih odgovora.

Ugovor o saradnji za razmjenu podataka

U okviru aktivnosti na zaključivanju Ugovora o saradnji za razmjenu podataka, Agencija se u aprilu mjesecu u skladu sa dopisima entitetskih agencija za nadzor osiguranja i ranijim aktivnostima na usaglašavanju tekstova Memoranduma, obratila nadzornim organima Austrije, Slovenije, Hrvatske i Srbije sa zahtjevom za dostavljanje nove forme Memoranduma o saradnji i razmjeni informacija u oblasti osiguranja usklađenih sa revidiranim IAIS okvirom. U skladu sa istim, Narodna banka Srbije je u oktobru mjesecu dopisom izrazila spremnost na zaključivanju Memoranduma sa nadležnim institucijama iz oblasti osiguranja u Bosni i Hercegovini, na način kao što je to regulisano u bankarskom sektoru. Nadzorni organi Austrije, Slovenije i Hrvatske su dopisima izrazili spremnost za zaključivanje Ugovora sa nadležnim organima u Bosni i Hercegovini, ali je potrebno uskladiti propise potpisnika Ugovora sa odredbama odjeljka 5 direktive Solvency II. Do kraja 2017. godine nisu se uspjele realizirati planirane aktivnosti na usklađivanju podzakonskih akata Agencije sa odredbama odjeljka 5 direktive Solvency II, kao ni sa entitetskim agencijama za nadzor osiguranja, koje su se odnosile na usaglašavanje i sačinjavanje početne forme Memoranduma.

Učestvovanje na međunarodnim konferencijama i sastancima

U okviru aktivnosti učestvovanja na međunarodnim konferencijama i sastancima iz oblasti osiguranja u toku 2017. godine Agencija je učestvovala na 6. godišnjoj konferenciji o upravljanju štetama, II Konferenciji o osiguranju motornih vozila, Konferenciji o zaštiti potrošača, 4. Konferenciji izazovi i praksa nadzora osiguranja, Sastanku o razmjeni iskustava i nadzora u regionu, The EUROFI high level seminaru, Konferenciji o mogućnostima i izazovima CEE tržišta, Workshopu o finansiranju i investiranju u SEE region, 24. danima slovenskog osiguranja, Konferenciji o osiguranju, Konferenciji o trenutnim izazovima za tržište osiguranja i superviziju kao i danima hrvatskog osiguranja.

Agencija je učestvovala i na sastancima CESEE-a zemalja centralne, istočne i jugoistočne Evrope koji se održavaju dva puta godišnje u cilju razmjene praksi i iskustava u sektoru osiguranja.

U toku 2017. godine Agencija je učestvovala na 2. sastanku Pododbora za unutrašnje tržište i konkurenciju uključujući zaštitu zdravlja potrošača između Bosne i Hercegovine i Evropske Unije koji je održan u Mostaru. Direkciji za evropske integracije dostavljene su informacije iz nadležnosti Agencije.

Statistički servis

U toku 2017. godine prikupljeni su i obrađeni statistički podaci o tržištu osiguranja na mjesečnom, kvartalnom, polugodišnjem i godišnjem nivou. Isti su objavljeni na web stranici Agencije www.azobih.gov.ba, a štampano izdanje godišnjeg izvještaja za 2016. godinu dostavljeno je korisnicima u zemlji i inostranstvu.

Dostavljeni su podaci o stanju i tržišnim pokazateljima za potrebe objavljivanja istih u časopisu X-PRIMM, Banke, Business magazin i Svijet osiguranja.

U skladu sa potrebom elektronske obrade statističkih podataka o tržištu osiguranja Bosne i Hercegovine, Agencija je u skladu sa odobrenim budžetskim sredstvima za 2017. godinu provela postupak nabavke u okviru aktivnosti razvijanja softvera za prikupljanje i obradu statističkih podataka. U decembru mjesecu zaključen je Ugovor o nabavci i instaliranju software-statistički programski paket sa firmom SoftLab d.o.o.

Agencija je u toku 2017. godine učestvovala u izradi Izvještaja za sektor osiguranja i koordinirala komunikaciju između svih članova vezano za izradu Upitnika i statističkih podataka za sektor osiguranja, a u skladu sa obavezama Podgrupe za procjenu ranjivosti osiguravajućih društava od pranja novca u okviru izrade „Nacionalne procjena rizika od pranja novca“. Upitnik i potrebni statistički podaci dostavljeni su od strane obveznika-društava za osiguranje i posrednika u osiguranju, na bazi kojih je Podgrupa za sektor osiguranja pripremila potrebne podatke za izvještaj o procjeni rizika od pranja novca u sektoru osiguranja u Bosni i Hercegovini.

Ostale aktivnosti Agencije

U cilju uspostavljanja i razvoja sistema finansijskog upravljanja i kontrole u Agenciji u 2017. godini, u skladu sa dokumentom Finansijsko upravljanje i kontrole u Agenciji za osiguranje u Bosni i Hercegovini broj: 02.1-16-4-324-4/14 od 08.07.2016. godine, čiji sastavni dio je Registar rizika, djelimično su usvojena interna akta Agencije kojim se regulišu oblasti prema

poslovnim procesima i utvrđenim rizicima u Agenciji. Potrebno je pojasniti da polazna vrijednost za 2016. godinu, utvrđena u Programu rada Agencije za osiguranje u Bosni i Hercegovini za 2017. godinu u okviru aktivnosti 1.1.1.3., nije adekvatno postavljena pa umjesto 75% treba da stoji 63,33%. Ostvarena vrijednost na kraju 2017. godine od 86,67% odgovara korigovanoj polaznoj vrijednosti za 2016. godinu.

U skladu sa planiranim aktivnostima informisanja javnosti o ulozi i značaju Agencije, redovno se putem web stranice Agencije javnost informiše o radu i aktivnostima Agencije, gdje se objavljuju dokumenti značajni za funkcionisanje i rad Agencije. U toku 2017. godine objavljeni su dokumenti u skladu sa Odlukom o postupku srednjoročnog planiranja, Odlukom o godišnjem planiranju, praćenju i izvještavanju.

U skladu sa izradom Akcionog plana za implementaciju Komunikacijske strategije za informisanje javnosti o procesu pristupanja Bosne i Hercegovine Evropskoj uniji za 2018. godinu, Direkciji za evropske integracije dostavljeni su elementi Agencije za izradu istog.

Analiza osnovnih problema i izazova za izvršenje programa rada

Osnovni problem i izazov sa kojima se Agencija suočava a koji je prisutan već dugi niz godina je provođenje člana 6. Zakona o Agenciji za osiguranje u Bosni i Hercegovini, odnosno nepoštivanje zakonodavne uloge Agencije u postupku donošenja propisa iz oblasti osiguranja od strane predlagača propisa, odnosno entitetskih ministarstava.

S tim u vezi u toku 2017. godine doneseni su slijedeći zakoni koji nisu dostavljeni na saglasnost Agenciji:

- Zakon o zastupanju u osiguranju i posredovanju u osiguranju i reosiguranju („Službeni glasnik Republike Srpske broj: 47/17) i
- Zakon o dopuni Zakona o društvima za osiguranje („Službeni glasnik Republike Srpske broj 47/17).

Međutim, Ministarstvo finansija RS je, dopisima od 25.05.2016. godine, 30.09.2016. godine, 18.01.2017. godine i 07.04.2017. godine, Agenciji dostavilo informaciju o aktivnostima na izradi Zakona zastupanju u osiguranju i posredovanju u osiguranju i reosiguranju, a dopisom od 07.04.2017. godine i informaciju o aktivnostima na izradi Zakon o dopuni Zakona o društvima za osiguranje.

U odgovorima na navedene dopise Ministarstva finansija RS, Agencija je 13.10.2016. godine, 30.01.2017. godine i 13.04.2017. godine pozvala Ministarstvo finansija RS na poštivanje zakonodavne uloge Agencije na način propisan članom 6. Zakona o Agenciji za osiguranje u Bosni i Hercegovini. U tom smislu je od Ministarstva finansija RS, traženo dostavljanje predmetnih zakona Agenciji radi davanja saglasnosti. Predmetni zakoni ni nakon toga nisu dostavljeni Agenciji, niti je tražena saglasnost Upravnog odbora Agencije na iste.

U Federaciji BiH je 06.04.2017.godine stupio na snagu Zakon o osiguranju („Službene novine Federacije BiH“, br.23/17). Federalno ministarstvo finansija je 08.07.2016.godine dostavilo Agenciji Nacrt Zakona o osiguranju radi davanja saglasnosti. Upravni odbor Agencije je na 16.sjednici održanoj 04.10.2016.godine razmatrao „Informaciju o izradi i usaglašavanju Zakona o osiguranju Federacije BiH“. Do isteka mandata Upravnog odbora Agencije 23.10.2016. godine, Upravni odbor Agencije nije usaglasio i formalizovao zaključak u odnosu na predmetni Nacrt Zakona.

Takođe, Vlada Federacije BiH je na prvom dijelu 133. sjednice održanoj 21.12.2017. godine godine, utvrdila nacrt Zakona o obaveznim osiguranjima u saobraćaju koji nije dostavljen na saglasnost Agenciji.

Posljedica nedostavljanja na saglasnost Agenciji entitetskih propisa iz oblasti osiguranja jeste da postoji veći stepen neusaglašenosti navedenih propisa nego u prethodnom periodu, a što je ukazano u Informaciji u vezi provođenja člana 6. Zakona o Agenciji za osiguranje u Bosni i Hercegovini dostavljenoj na usvajanje Vijeću ministara Bosne i Hercegovine.

Evropska komisija je prepoznala navedene probleme u radu Agencije, pa u Izvještajima o napretku Bosne i Hercegovine, odnosno Izvještajima za Bosnu i Hercegovinu, godinama ukazuje na potrebu jačanja ovlasti Agencije, kao i poštivanje uloge Agencije od strane entiteta. Takođe, jedna od Preporuka i operativnih zaključaka EU Drugog sastanka Pododbora za unutrašnje tržište i konkurenciju, uključujući zaštitu zdravlja i potrošača, od 19.09.2017. godine, je da „Bosna i Hercegovina treba da osigura da entitetsko zakonodavstvo u potpunosti uključuje preporuke Agencije za osiguranje u Bosni i Hercegovini“. Kao jedna od popratnih aktivnosti sa ovog sastanka je navedeno da: „Bosna i Hercegovina treba dostaviti informacije o koracima koje preduzima kako bi osigurala da zakoni na entitetskom nivou uključe preporuke Agencije za osiguranje u Bosni i Hercegovini“.

Rizik u realizaciji aktivnosti zaključivanja Ugovora o saradnji za razmjenu podataka jeste vremenski period potreban za usaglašavanje tekstova između nadležnih institucija u Bosni i Hercegovini i nadzornih organa zemalja sa kojima je planirano zaključivanje Memoranduma.

Agencija je prezentovala svoj rad na 15. sjednici Zajedničke komisije za ekonomske reforme i razvoj Parlamentarne skupštine Bosne i Hercegovine održanoj 20.12.2017. godine, te su usvojeni zaključci kojim se:

- podržava rad Agencije;
- traži od Agencije da informiše Vijeće ministara Bosne i Hercegovine o uočenim problemima u radu Agencije i
- traži od Vijeća ministara Bosne i Hercegovine da preduzme odgovarajuće aktivnosti na njihovom otklanjanju te da o preduzetom izvijesti Zajedničku komisiju do kraja marta 2018. godine.

S tim u vezi je Vijeće ministara Bosne i Hercegovine na 128. sjednici održanoj 04.01.2018. godine razmatralo zaključke pomenute Zajedničke komisije, te zadužilo Agenciju za realizaciju istih.

U dijelu statističkog servisa rizik koji je prisutan na prikupljanju i obradi statističkih podataka jeste ručna obrada istih, jer Agencija u dosadašnjem periodu nije raspolagala sa softverom za prikupljanje i evidentiranje statističkih podataka. Rizik koji je prisutan u okviru ovih aktivnosti je i velika mogućnost greške zbog ručne obrade podataka kao i duži period kreiranja i objavljivanja izvještaja.

Također, rizik koji je prisutan na prikupljanju i obradi statističkih podataka jeste taj da nisu precizirani rokovi i sadržaj statističkih izvještaja koji se dostavljaju Agenciji.

Jedan od rizika prisutan u okviru planiranih aktivnosti za razvoj softvera kojim će se izgraditi funkcionalni sistem kojim se planira unaprijeđenje prikupljanja i obrade statističkih podataka je i nedostatak potrebnih sredstava u odobrenom budžetu Agencije za realiziranje svih popratnih aktivnosti za uspostavljanje ovog sistema.

Nedovoljni kadrovski kapaciteti su još jedan od problema sa kojima se Agencija susretala u proteklom periodu, te je, kako je to već ranije navedeno, o tome informisano i Vijeće ministara Bosne i Hercegovine.

Takoder, neriješeni adekvatan trajni smještaj otežavao je rad Agencije u izvještajnom periodu. U međuvremenu je Vijeće ministara Bosne i Hercegovine dodijelilo Agenciji prostorije u Ulici Dubrovačka broj 6, Sarajevo (Union banka), kao trajni smještaj.

II - IZVJEŠTAJ O PROVOĐENJU AKCIONOG PLANA GODIŠNJEG PROGRAMA RADA AGENCIJE ZA OSIGURANJE U BiH ZA 2017. GODINU											
Opći cilj/ princip razvoja:		Integrirani rast									
Strateški cilj:		Unaprijediti razvoj konkurentnog ekonomskog okruženja									
Srednjoročni cilj:		Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije									
Specifični cilj 1:		Unaprijeđenje usklađivanja propisa na tržištu osiguranja u BiH i usklađenosti istih sa propisima EU									
Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost 2016	Ciljana vrijednost 2017	Ostvarena vrijednost na kraju 2017	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal u kojem je aktivnost provedena	
1	2	3	4	5	6	7	8	9	10	11	12
1.1. Priprema i koordinacija na obezbjeđenju jednakih uslova za sve učesnike na tržištu osiguranja u Bosni i Hercegovini											
1.1.1 Harmonizacija propisa i arbitraža											
1.1.1.1 Analiza stepena usklađenosti važećih entitetskih zakonskih i podzakonskih akata međusobno i sa zakonodavstvom EU	Odjeljenje za pravne i administrativno-tehničke poslove	Broj	3	4	0	Budžet	77.250	71.536	IV	-	Aktivnost nije realizovana
1.1.1.2 Izrada Smjernica za usaglašavanje zakonskih i podzakonskih akata na osnovu zaključaka UO	Odjeljenje za pravne i administrativno-tehničke poslove	Broj	1	1	1	Budžet	77.250	71.536	I	IV	Aktivnost realizovana
1.1.1.3 Izrada i ažuriranje internih akata u svrhu uspostavljanja finansijskog upravljanja i kontrole u AZO BiH	AZOBiH	%	75%	95%	86,67%	Budžet	25.750	23.845	IV	IV	Aktivnost djelimično realizovana
1.1.1.4 Održavanje radno-konsultativnih sastanaka sa relevantnim institucijama, te donošenje zaključaka u svrhu efektivnijeg i efikasnijeg obavljanja koordinirajuće uloge AZOBiH	AZOBiH	%	75%	85%	85%	Budžet	25.750	23.845	I-IV	I-IV	Aktivnost realizovana

1.1.1.5 Informisanje javnosti o radu i aktivnostima Agencije	AZOBIH	%	90%	100%	100%	Budžet	12.900	11.946	I-IV	I-IV	Aktivnost realizovana
1.1.1.6 Razmjena informacija u skladu sa protokolom	AZOBIH	Broj	2	3	-	Budžet	12.900	11.946	III	-	Aktivnost nije realizovana
1.1.1.7 Donošenje nalaza u postupku rješavanja sporova	AZOBIH	%	-	90%	-	Budžet	12.850	11.900	IV	-	Aktivnost nije realizovana
1.1.1.8 Analiza primjene nalaza u postupku rješavanja sporova	Odjeljenje za pravne i administrativno-tehničke poslove	%	-	90%	-	Budžet	12.850	11.900	IV	-	Aktivnost nije realizovana
1.1.2. Statistički servis i međunarodna saradnja											
1.1.2.1. Zaključivanje Ugovora o saradnji za razmjenu podataka	Odjeljenje za međunarodnu saradnju, finansije, statistiku i aktuarstvo	Potpisani Ugovori	4	4	-	Budžet	64.400	59.637	I	-	Aktivnost nije realizovana
1.1.2.2. Učešće u međunarodnim asocijacijama, konferencijama i sastancima	Odjeljenje za međunarodnu saradnju, finansije, statistiku i aktuarstvo	Broj održanih sastanaka	12	15	15	Budžet	25.750	23.845	I-IV	I-IV	Aktivnost realizovana
1.1.2.3. Kreiranje i dostavljanje izvještaja i informacija relevantnim institucijama o stanju u sektoru osiguranja	Odjeljenje za međunarodnu saradnju, finansije, statistiku i aktuarstvo	Dostavljene izvještaji i informacije	6	8	10	Budžet	38.600	35.745	I-IV	I-IV	Aktivnost realizovana

1.1.2.4.Prikupljanje, obrada, objavljanje i distribucija statističkih izvještaja	Odjeljenje za međunarodnu saradnju, finansije, statistiku i aktuarstvo	Statistički i izvještaji	4	4	4	Budžet	51.500	47.691	III	IV	Aktivnost realizovana
1.1.2.5. Razvijanje softvera za prikupljanje i obradu statističkih podataka	Odjeljenje za međunarodnu saradnju, finansije, statistiku i aktuarstvo	Softver za prikupljanje i obradu statističkih podataka	0	1	1	Budžet	87.250	80.796	II	IV	Realizacija aktivnosti u toku

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA OSIGURANJE U BIH ZA 2017. GODINU

Opći cilj/ princip razvoja: Integrisani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj1: Unaprijeđenje usklađivanja propisa na tržištu osiguranja u BiH i usklađenosti istih sa propisima EU

Naziv zakona	Vrijeme provođenja		Status zakona zaključno sa 31.12.2017.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen VM BIH (DA/NE)	Usvojen na VM BIH (DA/NE)	Procedura u PS BIH (DA/NE)	Usvojen u PS BIH (DA/NE)	
1	2	3	4	5	6	7	8

Agencija za osiguranje u Bosni i Hercegovini nije imala planirane aktivnosti na donošenju zakona u 2017. godini.

IV - IZVJEŠTAJ O IZRAĐENIM PODZAKONSKIM AKTIMA PLANIRANIH PROGRAMOM RADA AGENCIJE ZA OSIGURANJE U BIH ZA 2017. GODINU							
Opći cilj/ princip razvoja:		Integrirani rast					
Strateški cilj:		Unaprijediti razvoj konkurentnog ekonomskog okruženja					
Srednjoročni cilj:		Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije					
Specifični cilj1:		Unaprijeđenje usklađivanja propisa na tržištu osiguranja u BiH i usklađenosti istih sa propisima EU					
Naziv podzakonskog akta	Vrijeme provođenja		Status podzakonog akta zaključno sa 31.12.2017.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BIH (DA/NE)	Usvojen na VM BIH (DA/NE)	
1	2	3	4	5	6	7	8
Agencija za osiguranje u Bosni i Hercegovini nije imala planirane aktivnosti na donošenju podzakonskih akata u 2017. godini.							

V – IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA OSIGURANJE U BIH	
Programom rada Agencije za osiguranje u BiH za 2017. godinu nije planirano zaključivanje međunarodnih ugovora.	

VI -IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA OSIGURANJE U BIH	
Programom rada Agencije za osiguranje u BiH za 2017. godinu nije planirana realizacija javnih investicija.	

VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

U skladu sa članom 22. Pravila za konsultacije u izradi pravnih propisa („Službeni glasnik BiH“, broj 5/17) AZOBiH d o s t a v l j a

IZJAVU

1. da su ispunjene minimalne obaveze u pogledu obavljanja konsultacija;
2. da prednacrt Izvještaja o radu Agencije za osiguranje u Bosni i Hercegovini za 2017. godinu nema značajnijeg uticaja na javnost (primjenjujući kriterije navedene u članovima od 10. do 15. Pravila za konsultacije u izradi pravnih propisa);
3. AZOBiH je u skladu sa članom 11. stav (4) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) i članom 7. Pravila za konsultacije u izradi pravnih propisa („Službeni glasnik BiH“, broj 5/17) obavila javne konsultacije u postupku pripreme Izvještaja o radu Agencije za osiguranje u Bosni i Hercegovini za 2017. godinu. Javne konsultacije su obavljene u periodu od 09.-24.02.2018. godine, putem web stranice AZOBiH, www.azobih.gov.ba kao i web aplikacije eKonsultacije.
4. U navedenom periodu AZOBiH nije zaprimila prijedloge i/ili primjedbe na tekst prednacrta Izvještaja o radu Agencije za osiguranje u Bosni i Hercegovini za 2017. godinu.



DIREKTORICA

Emina Jahić
Emina Jahić